

第一輯

中國
稀見
史料



中國稀見史料

第一輯

王春瑜 編

廈門大學出版社

图书在版编目(CIP)数据

中国稀见史料. 第1辑·第三册/王春瑜编. —厦门:
厦门大学出版社, 2007. 9
ISBN 978-7-5615-2748-1

I. 中… II. 王… III. ①古籍-汇编-中国②中国史-史料-明清民国时代 IV. Z422

中国版本图书馆 CIP 数据核字(2007)第 119514 号

厦门大学出版社出版发行

(地址:厦门大学 邮编:361005)

<http://www.xmupress.com>

[xmup @ public. xm. fj. cn](mailto:xmup@public.xm.fj.cn)

厦门昕嘉莹印刷有限公司印刷

(地址:厦门市前埔东路 555 号 邮编:361009)

2007 年 9 月第 1 版 2007 年 9 月第 1 次印刷

开本:889×1194 1/32 印张:16.25 插页:2

定价:(全四十一册)30 000.00 元

本书如有印装质量问题请直接寄承印厂调换

覆山西道監察御史殷學劾官疏

爲大臣謀 國不忠乞 賜罷斥以重邊計事考功
清吏司案呈奉本部送吏科抄出山西道監察御史
殷學題先該兵部題奉

聖旨禦邊防虜事理委宜預處依擬着各該衙門悉心查
照先今事理如有禦邊事宜各另悉心具奏恁部裏
會官議處停當具奏定奪欽此臣有以仰見

1083

皇上籌邊經 國之猷飭戎威遠之意 天語叮嚀督臣
工以預處責臣工以悉心無非欲其定萬全之策而
樹安攘之業也然強兵之本在於足食克邊之要存

任竟擬陝西巡撫都御史趙廷瑞以補之今趙廷瑞
膺命之後已歷數月而愆期未至宣大撫鎮懸望
如渴無以爲處事机之誤誠爲匪細夫輸載輓運之
力當乘地凍水涸之時今仲春將臨而糧餉事宜未
見綜理毫髮事何由濟今歲之邊患又可慮也睇之
誤國一至於此將何所逭其罪乎是人也考諸素
行尤爲卑汙初仕冒宸濠之功躡致通顯士論鄙之
巡撫江西嚴刑作威屬官則凌轢之小民則殘虐之
但聞結納於時相夏言之門先意逢迎曲法承順公
帑以繕其私第剥民膏以廣其田廬人方唾恥彼自

以爲得計浮梁之變民之相殺者無慮數百閭門坐
視束手無策可謂失職矣受附郭縣驛供應之銀每
歲已及數千取各屬贓罰之利臨行不下巨萬可謂
失守矣以撫臣而若是未罹譴訶已爲佚罰乃僅踰
兩年而驟得亞卿之擢非奔競之力何以有此往年
妄議朱家巷爲我

1085

太祖高皇帝所自出之地而上崇本䟽舉朝縉莫不貽愕
旣而行勘果無實跡輕於誣惑 聖聽敢於欺罔
朝廷此其罪又不容誅矣以無爲有以虛爲實是誠何
心蓋其躁進之意勝而干澤之念切苟可以售其計

靡所不至矣夫語疇昔已爲清班之玷在今日復誤國家之急 明明天朝可容若人以竊位也伏望

皇上大奮乾剛卽將王晞速爲罷斥以示大臣不忠之罰仍將毛伯溫量加戒責及

勅戶部行催趙廷瑞兼程趨邊速理糧務庶籌邊者知所以盡心而

1086

國事有賴矣臣濫司言責有所聞見不容緘默敢死陳愚伏冀

聖明垂察臣無任隕越之至等因奉

聖旨吏部知道欽此欽遵抄出送司查得戶部左侍郎王

睎自陳黜罷奉

聖旨王睎不准辭吏部知道欽此欽遵通查案呈到部看得監察御史殷學論劾戶部左侍郎王睎謀國不忠乞賜罷斥及戒責兵部尚書毛伯溫催促侍郎趙廷瑞任事各壹節爲照五府九卿科道等官仰承

明旨集議邊務侍郎王睎意見既有不同論說豈能無異是非爲私情猶可追但被劾江西巡撫任內事情有干清議該本官自陳罷黜奉

旨不准辭本官自當益加警勉本部別難再議及照兵部

尚書毛伯溫蒙

恩簡用到任未久兵曹之黷廢既深人情之屬望太重論
列偶連心迹可諒 聖明假以時月令其展布後效

可期其趙廷瑞路迎委應行催趨赴邊事合候

命下一併咨催令其作速交代赴任緣係大臣謀

國不忠乞 賜罷斥以重邊計及奉

聖旨吏部知道事理臣等未敢擅便謹題請

旨

嘉靖貳拾貳年正月貳拾柒日具題貳拾玖日奉

聖旨是

覆巡撫大同都御史趙錦劾官疏

爲極邊郡縣正佐久缺併劾庸懦官員不能振作懇乞
天恩早賜銓選改調以圖治安事考功清吏司案呈奉本
部送吏科抄出巡撫大同地方贊理軍務都察院右
僉都御史趙錦題內開查得大同縣知縣李鉞陞官
迄今半年有餘尚未至任該縣附郭鎮城軍民雜處
且權豪勢要之家多不循守禮法若非忠真明敏之
才何以振扶頽敝及照見任懷仁縣知縣魯惟孝靈
丘縣知縣戴用新任馬邑縣知縣羅經俱性緩才庸
政務隳廢朔州知州范宗仁性質謹厚自守儘爲可

1089

觀但才力微薄無能奮發又適總督官開府住剗整
集兵糧事務繁冗該州地方且爲夷慮出沒之衝實
難支持乞

勅該部再加詳議將朔州知州范宗仁照依才力不及事

例量改偏僻地方懷仁縣知縣魯惟孝靈丘縣知縣
戴用馬邑縣知縣羅經量改教職遺下員缺大同知
縣朔州知州該府推官量選進士官參員銓補前來
其懷仁靈丘馬邑參縣知縣揀選年力相應舉人除
授嚴限令其作速到任候其積有年勞或守城立有
軍功不次超擢以彰賢能以均勞逸庶幾政廢民疲

之地早有攸賴而窮邊荒漠之官人自奮興此實撫輯生民保安重地之急務也伏惟

聖明特賜俞允等因奏奉

聖旨該部知道欽此欽遵抄出送司查得本部見行事例凡官員素行不謹者冠帶閒住年老者致仕才力不及者改調今該前因通查案呈到部看得大同巡撫

1091

都御史趙錦論劾大同縣知縣李鉞懷仁縣知縣魯惟孝靈丘縣知縣戴用馬邑縣知縣羅經朔州知州范宗仁各不職乞要罷黜改調各一節爲照各官俱與本部查訪相同相應議處合候

命下移咨都察院轉行巡撫都御史趙錦行令知縣李鉞
照素行不謹冠帶間住魯惟孝照年老事例致仕戴
用羅經知州范宗仁各照才力不及事例起送赴部
羅經改教戴用范宗仁量改相應職事各員缺查照
趙錦奏內事理銓補緣係極邊郡縣正佐久缺併劾
庸懦官員不能振作懇乞天恩早賜銓選改調以
圖治安及本聖旨該部知道事理未敢擅便謹請

1092

旨

嘉靖貳拾貳年正月二十八日具題二月初一日奉

聖旨是

覆巡撫鳳陽等處都御史王杲劾官疏

爲公舉劾以勵庶官事考功清吏司案呈奉本部送吏科抄出總督漕運兼巡撫鳳陽等處地方都察院右都御史王杲題內開訪得鹽城縣知縣林宗桂持守欠謹久招物議贓私已露近被告訐虹縣知縣崔紹先詞訟未知決判政務不能分理吏卒莫制法度多隳蓋昏愚不明罷輒無爲者也含山縣知縣劉如愚性好安逸久抱疾病跪拜動輒傾仆朔望壹升公座雖有若無誠素餐而尸位者也以上各官貪懦疾病例該糾劾者也臣又訪得邳州知州葉尚浩性行

1093

謹慎心本切於愛人才識綿暗力難堪於治劇所宜
調簡者也徐州知州熊林操守無失才力難強歷任
壹年有餘所司六事俱廢宿遷縣知縣俞友行心性
疎略因招物議邑常要衝甚難支持蒙城縣知縣陳
命心本柔弱性又疎緩里甲之費莫知調停商稅之
課莫知查考以上各官皆害於治才取長略短宜改
教職者也等因奏奉

聖旨吏部知道欽此欽遵抄出送司除將薦舉官員移付
文選清吏司另行外查得本部見行事例凡官員素
行不謹者冠帶閑住有疾者致仕才力不及者改調

今該前因通查案呈到部看得總督漕運兼巡撫鳳陽右都御史王杲劾稱鹽城縣知縣林宗桂虹縣知縣崔紹先含山縣知縣劉如愚邳州知州葉尚浩徐州知州熊林宿遷縣知縣俞友行蒙城縣知縣陳命各不職乞要罷黜改教各壹節爲照各官俱與本部查訪相同相應議處合候

1095

命下移咨都察院轉行彼處巡撫都御史行令知縣劉如愚照有疾事例致仕知州葉尚浩知縣崔紹先照罷軟知縣林宗桂照素行不謹事例冠帶閑住知州熊林知縣俞友行陳命照才力不及事例起送赴部陳

命改教熊林俞文行調簡僻地方任事各員缺另行

銓補緣係公舉劾以勵庶官及奉

聖旨吏部知道事理未敢擅便謹題請

旨

嘉靖貳拾貳年正月貳拾捌日具題貳月初五日奉

聖旨是